



SAKSPAPIR

Saksnr	Utval	Type	Dato
62/2019	Kommunestyret	PS	23.09.2019

Sakshandsamar	Arkiv	ArkivsakID
Atle Fasteland	FE-030	19/1040

ENDRING AV TITTEL PÅ ØVERSTE ADMINISTRATIVE LEIAR I KOMMUNEN

Rådmannen sitt framlegg til vedtak:

Kommunestyret støttar at tittelen på kommunen sin øverste administrative leiar blir endra frå Rådmann til Kommunedirektør frå 01.01.20

Kommunestyret - Sak 62/2019

KOM - Behandling:

12 røysta mot rådmannen sitt framlegg til vedtak (Odd Jøran Oldervik, Ellen Hagen (SV), SP, KRF, FRP, Bjørn Øivind Krogsrud, Jan Hansen, Vegard Sellevold, Heidi Rongved (AP).

KOM - Vedtak:

Tittelen på kommunen sin øverste administrative leiar skal fortsatt vera Rådmann.

Saksopplysningar:

Kommunelova av 1992 brukar tittelen administrasjonssjef om den øvste administrative leiaren i ein kommune. I praksis har tittelen rådmann vore mykje brukt. I den nye lova er kommunedirektør, j.f §13-1, men kommunen har framleis høve til sjølve å avgjere tittel på stillinga.

I arbeidet med nye kommunelov har det vore eit mål å etablere eit tydeleg skilje mellom administrasjon og folkevalde. Viktige presiseringar om kommunedirektøren si utgreiingsplikt og iverksettingsplikt i §13-1. Blant anna er det tydeleg krav om at ei utgreiing skal gje faktisk og rettsleg grunnlag for å fatte vedtak, og at iverksetting skal skje utan «ugrunnet opphold». Det er og kome ei ny presisering av at folkevalde organ sine føringer og instruksar for kommunedirektøren sitt arbeid skal skje i form av vedtak.

Nytt er og at kommunedirektøren har det daglege overordna personalansvar for kvar tilsett, inkludert ansetting, oppseiing, suspensjon, avskjed og andre tenestlege reaksjonar, er lovfesta. Sik er kommunedirektøren sin arbeidsgjeverrolle tydlegare enn tidlegare.

Overordna arbeidsgjever,- og personalpolitikk er framleis kommunestyret sitt ansvar, men det «løpende» personalansvar ligg hos kommunedirektøren. Kommunestyret kan ikkje velje å gje kommunedirektøren mindre personalansvar enn det som følger av lova.

I arbeidet fram til ny kommunelov var det mange kryssande interesser og argument. Endring av tittel frå rådmann til kommunedirektør vart grunngjeve med at rådmann ikkje er ein kjønnsnøytral tittel. Vidare med at samfunn, strukturar og rammer er i endring og at rådmann kanskje er ein noko «gamaldags» tittel. På andre sida kan ein seie at rådmann er innarbeid og at folk flest veit kva ein rådmann er. Kommunedirektør, kommunaldirektør og andre titlar som er nytta i kommune Noreg kan lett vekslast og føre til mistydning. Likevel trur rådmannen at tida er inne for å endre tittel på øverste administrative leiar i Vaksdal til kommunedirektør. Etter som tida går vil truleg fleire og fleire kommuner velge den nye tittelen.